

# Powšitkowne WOZJEWJENJA

njedźelu, 15. julija 2012

## **Nowy wobrazowy zwjazk wo katolskich Serbach so předstaji**

Knižna premjera k nowej knize „W katolskich Serbach – dokumentacija žiweje wěry we wobrazach“, spisana wot fararja Gerata Wornarja a z fotografijemi Maćija Bulanka budže wutoru, 17. julija, w 19 hodź. w Chróśćicach na farje. Němskorěčne wudaće tuteje knihi předstaji so srjedu, 18. julija, w 19 hodź. w Smochčanskim Domje biskopa Bena.

## **Lětni koncert w Radworju**

Chór Meja přeprošuje wšitkich zajimcow na swój tradicionelny lětni koncert njedźelu, 15. julija, na zahrodže před Starej cyrkwičku w Radworju. Wot 15 hodź. poskići so swačina. Koncert zahaji so w 16 hodź. Program wuhotuja nimo Mejanow džěci Radworskeje pěstowarnje AWO a skupina bubnarjow, kotřiž předstaja afriske zynki. Sćěhuje překwapjenka za džěci.

## **Z busom do Krupki kemši**

Na Božu mšu srjedu, 1. awgusta, w 10 hodź. w Krupce pojedže tež lětsa bus. Štóz chce sobu jěć, njech přizjewi so pola Šmitec wozydłownistwa w Radworju, telefonowe čisło (03 59 35) 28 60.

## **Chór za putnikowanje džěci**

Za wšitke džěci, kotrež spěwaja w projektnym chórze na putnikowanju džěci, je zhromadna proba z band štwórtk, 19. julija, wot 16 do 19 hodź. na Chróśčanskej farje. Njech prošu wšitcy přińdu.

## **Swobodne džěłowe městno w Smječkecach**

Dom swjateho Jana w Smječkecach pyta chorobnu sotru respektiwnje hladarja chorych abo kularku respektiwnje pedagoga z wotpowědnej kwalifikaciju za džěło pola duchownje zbrašenych a z nazhonjenjemi w nawjedowanju personala kaž tež w spěchowanju zbrašenych. Wodźaca pozicija ma so hač do 1. septembra wobsadzić. Požadanja přijima nawoda domu Tadej Šiman, telefonowe čisło (03 57 96) 88 61 31.

## **Swjedzeń we Wuježku**

Serbske ewangelske towarstwo přeprošuje zaso wšitkich Serbow a dalších zajimcow njedźelu, 21. julija, na swoje lětnje pućowanje a na serbski swjedzeń do Wuježka pod Čornobohom. Spočatk je w 13 hodź. pola Krygarjec we Wuježku (čisło 31 A). Wottam pućuje so na Rubježny hród, hdžež móža džěci na skału krosnować a so na wjeršku do knihi zapisać. Po puću njech so kóždy sam ze swojeho nachribjetnika zastara.

W 17 hodź. budže nutrnosť na Dejkec/Pawlikec statoku we Wuježku. Potom wočakuje wopytowarjow kulturna chlósćčenka – spěwny konsorcij seniorow. Kaž přeco budže w bróžni bifej natwarjeny. Štóz chce při přihotach swjedženja pomhać, na přikład dwór wuhotować abo něšto za bifej sobu přinjesć, njech so přizjewi pod telefonowym čisłom (03 59 39) 8 05 02 abo napisa mailku na mato. krygar@web.de. Kóždy pomoc je witana. Přeprošeni su wuraznje tež wšitcy, kotřiž chcedža hakle na nutrnosť abo kulturny program přińć.